

Sarajevo, 01-02-2024

Broj: 58-11-3-3950

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 55-33-4-2206-3 od 25.01.2024.godine, V.D. Generalni direktori donosi:

#### ODLUKU

o izboru najpovoljnijeg ponuđača za  
„Radove na sanaciji i rekonstrukciji postojećih liftova“

#### I

Prihvata se prijedlog Komisije za javnu nabavku, **Izvještaj broj 55-33-4-2206-3 od 25.01.2024.godine**, za postupak „Radovi na sanaciji i rekonstrukciji postojećih liftova“ (za tri LOT-a), nakon provedenog otvorenog postupka objavljenog na portalu e-nabavke pod brojem obavještenja 893-1-3-535-3-733/23 od 28.12.2023.godine i ugovor o nabavci dodjeli ponuđaču „LIFTMONT“ d.o.o. Sarajevo, u skladu sa osiguranim/obezbjedenim sredstvima po LOT-ovima za ovaj postupak nabavke, tj. u iznosu od **250.000,00 KM bez PDV-a, za cjelokupnu nabavku**, a sve prema dostavljenoj ponudi/ama broj P-302-24; P-303-24; P-304-24; od 15.01.2024.godine (KCUS broj 10-11-3-2187 od 18.01.2024.godine), odnosno pojedinačno po LOT-ovima u iznosima prikazanim u narednoj tabeli:

Br. LOT-a	Naziv LOT-a	Cijena ponude/a bez PDV-a (KM) po LOT-ovima
LOT 1	Radovi na sanaciji i rekonstrukciji lifta na Neurološkoj klinici	85.000,00
LOT 2	Radovi na sanaciji i rekonstrukciji lifta na Klinici za urologiju	80.000,00
LOT 3	Radovi na sanaciji i rekonstrukciji lifta na Klinici za nefrologiju	85.000,00
UKUPNO KM bez PDV-a		250.000,00

#### Osnovni elementi ugovora:

- Vrijednost ugovora: **250.000,00 KM bez PDV-a + PDV 42.500,00 KM = 292.000,00 KM sa PDV-om;**
- Cijene su nepromjenjive za cijeli ugovoreni period do okončanja ugovorenih obaveza;
- Plaćanje ugovorenih obaveza vršit će se odgođeno u roku od 60 dana od dana ispostavljanja fakture;
- Garatni period je 24 (dvadesetčetiri) mjeseca, od dana puštanja u rad. Izvođač radova se obavezuje da održava liftove za period važenja garancije;
- Izvođač radova se obavezuje da će radove (demontažu stare, isporuku i ugradnju nove opreme, ispitivanje i puštanje u rad), izvršiti u roku od 120 dana, od dana uvođenja u posao kroz građevinski dnevnik.

#### II

Izabrani ponuđač „LIFTMONT“ d.o.o. Sarajevo, sa sjedištem u ulici Milana Preloga br.17., 71 000 Sarajevo, nije dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14 i 59/22), te je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ne starije od 3 mjeseca računajući od momenta predaje ponude.

#### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

#### OBRAZLOŽENJE

U skladu sa Odlukom br. 58-04-4-46510-1 od 26.12.2023. godine, pokrenut je postupak javne nabavke „Radovi na sanaciji i rekonstrukciji postojećih liftova“ (za tri LOT-a). Procijenjena vrijednost nabavke iznosi **250.000,00 KM za cjelokupnu nabavku bez uračunatog PDV-a (LOT 1. - 85.000,00 KM; LOT 2. - 80.000,00 KM i LOT 3. - 85.000,00 KM bez PDV-a)**, a sredstava su planirana Planom javnih nabavki za 2023.godinu, pod klasifikacijom **RADOVI, redni broj 17.** (Odluka o izmjenama i dopunama Plana JN KCUS-a za 2023.godinu, broj protokola 65-04-2-33780 od 19.09.2023.godine).

Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta SRPA br. 56-11-3-2265 od 14.01.2023.godine).

Klinički centar Univerziteta u Sarajevu je 28.12.2023.godine, objavio Obavještenje o nabavci broj 893-1-3-535-3-733/23 na portalu e-Nabavke zajedno sa Tenderskom dokumentacijom za izvođenje radova na sanaciji i rekonstrukciji postojećih liftova.

Obzirom da je tenderska dokumentacija za postupak nabavke objavljena na portalu e-Nabavke istu je preuzelo je 9 (devet) potencijalnih ponuđača, a do krajnjeg roka određenog za prijem ponuda, 18.01.2024.godine do 09:30 sati na Protokol KCUS-a su dostavljene 3 (tri) ponude što je evidentirano Zapisnikom o zaprimanju ponuda br. 55-33-4-2206 od 18.01.2024.godine, koji čini sastavni dio Izvještaja.

U narednoj tabeli je dat pregled o prispjelim ponudama.

PODACI O DOSTAVLJENIM PONUDAMA PONUĐAČA			
Naziv ponuđača	„DVG ALM COMPANY“ d.o.o. Sarajevo	„LIFTEC“ d.o.o. Sarajevo	„LIFTMONT“ d.o.o. Sarajevo
Redni broj ponude	1.	2.	3.
Broj i datum ponude	886/24 od 18.01.2024.g.	00/24; 101/24; 102/24; od 17.01.2024.g.	P-302-24; P-303-24; P-304-24; od 15.01.2024.g.
KCUS broj, datum i vrijeme prispjeća ponude	10-11-3-2185 od 18.01.2024.g. u 08.12 h	10-11-3-2186 od 18.01.2024.g. u 08.13 h	10-11-3-2187 od 18.01.2024.g. u 08.14 h
Cijena ponude bez PDV-a (KM) za LOT 1	85.000,00 KM	85.000,00 KM	85.000,00 KM
Cijena ponude bez PDV-a (KM) za LOT 2	//	80.000,00 KM	80.000,00 KM
Cijena ponude bez PDV-a (KM) za LOT 3	//	85.000,00 KM	85.000,00 KM

### **Analiza dostavljenih ponuda**

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 58-11-7-1151 od 10.01.2024.godine, je detaljnom analizom dostavljene dokumentacije za predmetni postupak nabavke, te računске provjere dostavljenih ponuda prilikom kojih nisu ustanovljene greške, Zapisnikom o pregledu i ocjeni ponuda broj 55-33-4-2206-2 od 24.01.2024.godine, konstatovala i jednoglasno donijela zaključak **da dvije od tri dostavljene ponude ne ispunjavaju uslove definisane tenderskom dokumentacijom**, odnosno da ponuda ponuđača „DVG ALM COMPANY“ d.o.o. Sarajevo, **se isključuje iz daljeg toka natjecanja kao NEPRAVILNA**, kao i ponuda ponuđača „LIFTEC“ d.o.o. Sarajevo, **također se isključuje iz daljeg toka natjecanja kao NEPRAVILNA**.

U skladu sa navedenim Komisija je donijela slijedeće zaključke:

1. Ponuđač „DVG ALM COMPANY“ d.o.o. Sarajevo, je dostavio ponudu za „Radove na sanaciji i rekonstrukciji postojećih liftova“, **koju je Komisija ocjenila kao NEPRAVILNU** iz razloga što ista nije u skladu sa tenderskom dokumentacijom, odnosno Komisija je detaljnom analizom dostavljene ponude konstatovala da ista zadovoljava formalno pravne zahtjeve, ali nije tehnički prihvatljiva i ne može učestvovati u daljem toku natjecanja jer nije dostavljena u skladu sa Aneksom 3 - tehničkom specifikacijom za LOT 1., tačka 3.1. pod d) obzirom da imenovani ponuđač nije ponudio i upisao jedinične cijene u dostavljenoj ponudi (ponuđač je dostavio ponudu samo za LOT 1) za tražene stavke u tabeli za LOT 1 - Radovi na sanaciji i rekonstrukciji lifta na Neurološkoj klinici nego je samo upisao i ponudio ukupnu cijenu.
  2. Ponuđač „LIFTEC“ d.o.o. Sarajevo, je dostavio ponudu za „Radove na sanaciji i rekonstrukciji postojećih liftova“ (ponuđač je dostavio ponude za sva tri LOT-a), **koje je Komisija ocjenila kao NEPRAVILNE** iz razloga što ista nije u skladu sa tenderskom dokumentacijom, odnosno Komisija je detaljnom analizom dostavljene ponude konstatovala da ista zadovoljava formalno pravne zahtjeve, ali nije tehnički prihvatljiva i ne može učestvovati u daljem toku natjecanja jer nije dostavljena u skladu sa Aneksom 3 - tehničkom specifikacijom - „Tehnička i profesionalna sposobnost“ pod „c) Izjavu ponuđača da će imati na raspolaganju najmanje šest certificiranih servisera za liftove“, obzirom da imenovani ponuđač nije dostavio dokaze po navedenom zahtjevu iako je priložio izjavu u kojoj tvrdi da će na raspolaganju imati najmanje šest certificiranih servisera, dostavio je dokaze samo za tri servisera.
- Imajući u vidu naprijed navedeno, te činjenicu da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude a na osnovu analize ponuda kojom je Komisija jednoglasno konstatovala da su od 3 (tri) dostavljene ponude, 2 (dvije) ponude i to: ponuda ponuđača „DVG ALM COMPANY“ d.o.o. Sarajevo i ponuda ponuđača „LIFTEC“ d.o.o. Sarajevo ocjenjene kao NEPRAVILNE, te da preostaje samo jedna prihvatljiva ponuda Komisija predlaže da se za sva 3 (tri) LOT-a **postupak okonča u skladu sa članom 69. 1) a) ZJN** (Sl.glasnik BiH br. 39/14 i 59/22 ).

Obzirom da je cijena jedine dostavljene kvalifikovane ponude u okviru osiguranih sredstava za nabavku, te da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izveštaja broj 55-33-4-2206-3 od 25.01.2024.godine**, da se nakon provedenog otvorenog postupka sa Obavještenjem o nabavci broj 893-1-3-535-3-733/23 od 28.12.2023.godine za „Radove na sanaciji i rekonstrukciji postojećih liftova“ (za tri LOT-a) ugovor o nabavci dodjeli ponuđaču „LIFTMONT“ d.o.o. Sarajevo, u skladu sa osiguranim/obezbjedenim sredstvima po LOT-ovima za ovaj postupak nabavke, tj. u iznosu od **250.000,00 KM bez PDV-a, za cjelokupnu nabavku (LOT 1. - 85.000,00 KM; LOT 2. - 80.000,00 KM i LOT 3. - 85.000,00 KM bez PDV-a)**, a sve prema dostavljenoj ponudi/ama broj P-302-24; P-303-24; P-304-24; od 15.01.2024.godine (KCUS broj 10-11-3-2187 od 18.01.2024.godine), odnosno jediničnim cijenama iz ponude.

Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS